



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 15. 2017

Bono, kiko esei ta presis?

Parti 2

“Ora ta trata di invertimentu, loke ta konfortabel raramente ta lukrativo.”

Robert Arnott

Esaki ta e kontinuashon di un seri di dos parti tokante Bononan. Parti 1, ku a diskutí e karakterístikanan di un bono, ta disponibel na www.vertexinv.com òf na www.dcsx.cw.

Despues di disidí ku bo tin apetit pa bono, ata aki un par di tep pa tene na kuenta ora ta invertí den nan:

1. Konosé bo metanan; di kon bo ta invertí? Bo mester di un fluho konsistente di entrada riba un base periódiko – bisa kada kuartal – òf bo mester laga bo sèn krese mas lihé ku ta posibel sin lanta sèn for di dje? Si ta trata di e promé, un bono ta e opshon perfekto pa haña un fluho di kèsh periódiko for di e interes riba e bono, loke e ora ei por wòrdu usá pa suplementá gastunan di bida periódiko.

2. Riesgo Abou no ke mèn Ningun Riesgo. Apesar di ta wòrdu konsiderá riesgo abou en komparashon ku akshon, bono ta eksponé na riesgo di fayó di pago – e riesgo ku e fiadó lo no paga bo bèk. Pa yuda ku esaki, ta importante ku bo evaluá e editor di e Bono pa ta sigur ku e ta finansieramente sano pa kubri nan obligashonnan bou di e bono.
3. No tur bono ta kreá igual. Ta eksistí Bono di Gobièrnu i Bono di Kompania, ta eksistí Bono ku ta di Grado di Invershon i Bono di Rendimentu Haltu (Junk Bonds). Lesa e Prospekto di e Bono, òf e kontrato di estudio pa haña informashon tokante e bono i esun ku ta emití e promé ku bo hasi un kompra. Tambe, agensianan di balorashon manera Moody's i Standard & Poor's ta evaluá esunnan ku ta emití i nan bononan. Nan ta proveé balorashonnan standarisá ku ta hasi mas fásil pa bo kompará bononan atraves di pais, esun ku ta emití i karakteristiká. Tuma esaki na konsiderashon ora bo ta disidí.
4. Konosé bo periodo di tempu. Si bo ta trahando ku un periodo di korto plaso pa bo invershon, bisa ménos ku sinku aña, e ora ei kompra di bono por ta e kaminda mas adekuá pa kana en bes di invertí den akshon. Esaki ta pasobra un periodo kòrtiku no ta pèrmítí masha tempu pa rekuperashon di kaidanan potenshalmente grandi den bo invershon, loke ta mas probabel di sosodé ku invershon den akshon.
5. No laga inflashon eliminá tur bo interes. Sea konsiente di e tasa di inflashon. Pasobra bo kupon ta trata mayoria biaha di un montante fiho kada fecha di pago, si inflashon ta oumentando e ora ei e forsa di kompra di entrada periódiko lo baha. Tene kuenta ku esaki.
6. Planeá pa reinvertí bo interes. Si no tin nodi pa e pago di interes periódiko kubri bo gastunan di bida, e ora ei lo ta mihó pa reinvertí e interes. Krea un kuenta unda e interes lo wòrdu depositá i reinvertí outomátikamente – den bono nobo òf otro invershon – pa bo no kai den tentashon pa gast'é.

7. Diversifikashon riba un budget restringí. Diversifikashon ta e klave pa invertimentu eksitoso. Si bo ta kuminsando i no ta kapas di kumpra hopi bono diferente, e ora ei kumpra un parti den un Fondo di Bono, por ta e kaminda di kana. Esaki ta ofresé bo un nivel mas haltu di diversifikashon. Plùs bo ta haña e benefisio di investigashon i maneho di sèn profeshonal.

Kompañá nos den e próksimo publikashon unda nos lo diskutí Depository Receipts.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki ta wòrdu presentá na bo pa e DCSX ku kolaborashon di Vertex Investments . Outor di e publikashon aki: Stephanie Shaw CFA, MBA.



dcsx.cw



vertexinv.com